

Котырес лыдпус

Кудыяз 500 статья но 30 книга

14-тй толшоре кылобур наукаосья докторлы, профессорлы Валей Кельмаковлы 80 арестырмиз. Та котырес лыдпуслы сйзыыса, Йоскалык библиотеказын Валей Кельмаковичлэн книгаосыныз «Непревзойдённый и несравненный» адзытон усьтйськиз.

1-тй тулыспалэ библиотеказалэн огаз залаз профессорез зечкыланы люкаськизы Удмурт кун университетсы студентъёс, выпускникъёс, дышетйсьёс, пöртэм удисъёсын ужась азьветлйсьёс — Валей Кельмаковичлэсь ужзэ гажасьтэмъёс öвöл, дыр. Со быдэс улонзэ удмурт кылэз, диалектёссэ эскеронлы сйзиз.

Жытэз усьтйз Йоскалык библиотеказалэн кивалтйсьез Татьяна Тензина, Валей Кельмаковлы «Удмурт Элькунисы Йоскалык библиотеказалэн гажано лыдзйсьез» ним сётэмзы сярись ивортйз:

— Валей Кельмаков — дано тодосчи, лингвист, финно-угровед, — вераз Татьяна Владимировна, — көня ке полгинэ соин пумиськылыса, валаськод, макем мур пуштро со адыми со. Тодосчи бадзым уж нуз: удмурт кылэз утыыса, калыклэсь историзэ но уте.

Библиотеказын ужасьёс пусйизы, Валей Кельмакович кадь книгаосты гажась, яратйсь мурт öвöл шуыса. Пичи дырысеныз ик профессор газет-журналъёсты, книгаосты лыдзйыса улйз, удмурт кылъя урокъёсты яратылйз.

Нош фин-угор дуннеен сое тодматйз Татарстанысь Ошторма-Юмъя гуртысь школаысьтыз географием дышетйсьез. Огаз урокын калыкъёс сярись мадем: вань, пе, славянъёс, финугоръёс...

— Мыным со туж тунсыко потйз, — вераз Валей Кельмакович, — мылкыдме адзыса ик, дышетйсе одйг пол Москваысь мыным 3 словарь басьтыса вайиз: зуч-пор, зуч-мадьяр, зуч-эстон. Со вакытэ со туж бадзым узырлык вал.

В. Кельмаков Удмурт кун пединститутысь историко-филологической факультетэз йылпумъяз, Москваысь языкознания институтын аспирантураын дышетскиз. Ужаны



Валей Кельмаковез зечкыла Йоскалык библиотеказалэн кивалтйсьез Татьяна Тензина.

Ижкаре ик берытскиз, наукае нырысетй вামышьёссэ Удмуртиысь научно-исследовательской институтын лэсьтйз. Татын ужакуз, кандидатской диссертацизэ утиз. Бöрысь гинэ Удмурт кун университетын вуоно удмурт филологъёсты дышетыны кутскиз.

— Дышетйсь луо шуыса, ноку öй малпалля, — вераз Валей Кельмакович, — ужаны но капчи вакытэ öй кутскы. Дышетон программае трос виль дисциплинаос пыртэмын вал, нош книгаос, пособиос öвöл... Арлыдо дышетйсьёс со ужез мон вилэ куштйзы. Озы 13 пала предметлы дышетон план ачим гожтй. Али но параосы чужектэм конспектёсыным ветлйсько. Мон, отчы учкыса, лекциосме уг лыдзйськы, но тодйсько ке, соос сёраам шуыса, лулы шуна.

Удмурт кылобуръя факультет пыр потэмъёс Валей Кельмаковез кадь одйг дышетйсьез но тодазы уг вайыло, дыр.

— Асме но, студентъёсты но уг жаляськы, — вераз Валей Кельмакович, — косйсько дышеткисьёсты кыче ке диалектэз дышетыны, со диалектэн 10 бам тыр текст гожтыны, янгышьёссэс утчасько... Со кулэ рос-прос научной материал люкан понна. Тодйсько, со понна монэ уноез уг яраты шуыса, изьвер но шуо. Нош университетэз быдтэмзы бере көня ке ар ортчыса, валало ик, малы со кулэ вал.

1971-тй арысен Валей Кельмаков 1 сюрслэсь трос удмурт филологъёсты дышетйз, кивалтэмез улсын 10 пала кылобур наукаосья кандидатъёс будйзы. Озы наукае вამыштйз кылобур наукаосья доктор, профессор, «Удмурт Кенеш» огазеясконлэн вице-президентэз Наталья Кондратьева но.

— Мыным удалтйз Валей Кельмаковичлэн кивалтэмез улсын ужаны, мон шöдыны кутски, макем удмурт кылмы пызырес, — вераз Наталья Владимировна. — Со милесьтым университетмес вилйи уровнем жутйз, солы луыса пöртэм виль öррёс усьтйськизы, тыршеменыз туалла наука азинске.

80 аресаз но Валей Кельмакович наука сярись малпанъёсын улэ, азыло сямен ик, студентъёслы лекциос лыдзэ, статьяос, книгаос бордын ужа. Али, наукалы сйзем ужъёссэ люкаса, виль зöк книгазэ поттйз. Со ваньмыз öвöл ай, оскытэ тодосчи, эшшо 4-5 том поттэмын луоз.

Профессорлэсь сйлэмзэ кырзан буйгатэ. Удмурт кун университетын «Чипчирган» ансамбль кылдйз но, отчы ветлыны кутскиз. Соин чöш кырзамъёс Валей Кельмаковез атаенызы чöшато. Йоскалык библиотеказе люкаськемъёсты но со аслаз куараеныз шумпоттйз, жытэз йылпумъяз, көня ке калык гуръёсты кисьтыса.